



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 2. Dei suos alentis exempla, è diuinis litteris, petita.

[urn:nbn:de:hbz:466:1-49823](https://nbn-resolving.de/urn:nbn:de:hbz:466:1-49823)

Matth.
4. 3.

Matth. 4.

4.

Deut. 8.

3.

Psal. 54.

23.

Isa. 49.

14.

indigetis. Itaque cum Stygius hostis multos aggreditur alimentorum curā; cū iam hunc, iam illum alloquitur: *Dic ut lapides isti panes fiant*; cum iubet omnem lapidem moueri, vt venter impleatur; cum varias artes docet pecuniae, panis, vini parandi; cum denique à se vult disci, quomodo liberi, vxor, familia, humana vita sit sustentanda, & cum sexcenta hoc genus insanit; gladio aptiore non potest repelli, quam diuinæ Prudentiæ Bonitatisque protestatione; quæ clarissimè indicatur illis verbis: *Non in solo pane vivit homo, sed in omni verbo, quod procedit de ore Dei.* Quam artem etiam docuit Dauid, cum esurienti dixit: *Iacta super Dominum curā tuam, & ipse te enutriat.* Ne puta eum tui oblitum, & ne dicas: *Dereliquit me Dominus, & Dominus obesus est mei.* Numquid obliuisci potest mulier infantem suum, vt non misereatur filio vteri sui? et si illa obliteratur, ego tamen non obliuiscar tui.

§. II.

Dei suos alentis exempla è diuinis litteris petita.

Exemplorum affatim diuinæ paginæ subministrant. An non enim primum hominem in admodum fructifero horto collocauit?

An

An non Patriarchæ Jacob filijsque eius, in summa annonæ caritate, per Iosephum AEgypti saluatorem, alimenta prouidit? An non in ipsa solitudine fontem de petra, panem de nubibus eiecit? & quidem panem sapidissimum? Nam *panem cœli dedit eis, panem Angelorum manducauit homo.* An non, tempore tam diuturnæ famis, Eliæ corui deferabant panem & carnes manè, similiter panem & carnes vespere, & bibebat de torrente? An non eidem postea, per piam viduam, in Sarepta Sidoniorum, de mensa prospexit? An non, quando ipse Christus diabolum à se reiecit e-suriens, qui eum lapides comesse volebat, *Angeli accesserunt, & ministrabant ei?* An non vel solorum virorum quinque millia quinq; panibus hordaceis & duobus piscibus satiauit, idem Dominus, in loco deserto, ubi neque furnus erat, neque pistor? Hæc aliaque complura diuinæ litteræ prodiderunt. Sed quia exempla, cum delectatione, docent, age, alia ex alijs quoque historijs adducamus.

Psal. 77.^{24.}3. Reg. 17.^{6.}Matth. 4.^{11.}Ivan. 6.^{10.}

§. III.

S. Frontonius, spe diuinæ prouidentiæ, septuaginta viros in desertum trahit.

Heribertus Rosveydus vir eruditus, & Rosveyd

A 4

ab